



Edición Special Dia di Himno y Bandera


18 Maart

Celebrando e aña aki 20 aña di nos Status Aparte y 20 aña di nos Himno y Bandera

Compositor y Musico Arubano

Rufo Wever

Co-Compositor Himno di Aruba 1917-1977



Recordando Rufo Wever

Rufo Wever a nase ariba un 8 di December na Wilhelminastrat na Oranjestad. Su talento musical a wordu descubri tempran. Net prome cu Rufo a cumpli 6 aña, Rufo a haña

un simfonia di boca regalo pa fiesta di Sinterklaas y den un par di dia ela sorprende su famia cu e por a toca un cantica cu tabata na moda su mes y sin ningun ayudo. Rufo su tata a keda masha impresionado y entusiasma y

mesora a compra un piano y a contrata e conocido maestra di musica di Corsow, Shon Shishi Rodriguez Timmer pa Rufo. Sra. Rodriguez a cuminsa siña Rufo e conocimientonan di musica en general.

Un musico completo

Rufo Wever tabata un musico completo. Esaki tabata encerra e tabata toca diferente instrument manera saxofon, acordeon, piano, guitarra, cuarta y clarinet. Rufo tabata compositor. Rufo tabata arreglista, lesa y skibi musica. Ademas Rufo tabata e prome persona na Aruba cu a cuminsa traha e cilindernan pa e cahi orgel y ela hasi esaki pa 33 aña.

Rufo Ta tin un show musical na television den e anjanan 70, tambe den anjanan 50 hunto cu Padu Lampe e ta



tin un compania di graba disco "Padu records".

Perseverancia

Na 1941 den un accidente di auto casi fatal Rufo a perde su braza robz. Na e momento ey Rufo a pensa cu su carera den musica a caba, e lo no por toca ningun instrumento mas. Pero apesar di e tragedia aki den su bida ela supera esaki y ela keda compone y toca piano cu hopi fervor cu un braza artificial cu e mes a diseña y cu a wordu traha pe na Alemania. Despues e mes a laga traha un braza artificial. Por nota den hopi di Rufo su composicionnan un alegria pero tambe intercambia cu un melancolia.

Un don musical

Rufo ta tin un don musical y compone tabata facil pa Rufo y a sigui un total di mas of menos 400 composicion. Di esaki mas of menos 100 ta composicionnan completo pa piano y orkestra y 300 ta composicionnan y areglo pa cahi orgel.

Rufo su composicionnan ta inclui: wals, tumba, bolero, zamba, mambo, porro, merengue, danza, mazurka, polka y calypso. Semper Rufo tabatin un otro melodia den su cabez. E prome composicion di Rufo ta e immortal wals "Arubanita" cu a wordu compone na anja 1935, esaki ta un composicion di importancia historico pa

Aruba. E anja aki e composicion ta cumpli 71 anja y por wordu scucha den diferente forma casi tur dia.

Hopi artista y gruponan tipico y tambe orkestra a graba Rufo su composicionnan. Majoria di Rufo su composicionnan ta instrumental, aunque tambe Rufo tin algun composicion cu letra. E calidad di Rufo su composicionnan ta di nivel halto y complejo, esaki por scucha no solamente den su walsnan pero tambe den e variedad di diferente tipo di musica manera e mazurka, tumba y danza.

Cah'i Orgel

Na edad di 21 aña Rufo a cuminsa cu e trabou di cahi orgel. Aruba conoce awe na anja 2006 mas of menos 109 aña di musica di cahi orgel, pero Rufo tabata e prome persona cu a cuminsa traha e cilindernan pa e cahi orgel na Aruba y ela hasi esaki pa 33 aña. Anteriormente e cilindernan tabata bai Corsow.

E hecho aki tambe ta duna Rufo Wever un lugar especial den historia di musica folklórico di Aruba. Pa hopi di e composicionnan cu Rufo a haci pa caha di orgel ela usa e number artistico A. N. Tillano. Den historia di musica di caha di orgel por waak e nomber aki ta aparece na hopi caminda y hopi hende no sa cu esaki ta Rufo Wever mes.